

Ճշմարիտ որ շատ գրաւիչ է, որի ձայնը մինչև Գարայ—նի է հասել, խանը ևս լսել է:

Էջմիածնում մի ճեմարան կայ, բայց Արարատեան դաշտում մոտաւորապէս տասն և ութ հազար բնակչաց համար, բացի Իգդիրից, ոչ մի ուսումնարան չը կայ: Ապարանում մօտ քսան և հինգ հազար բնակիչների համար մի փարրական ուսումնարան չը կայ. Գառնի Բասարումը մօտ քսան հազար բնակիչների համար մի տարրական ուսումնարան չը կայ: Գարաջիչակ գաւառում մօտ տասն և չորս հազար բնակիչների համար մի ուսումնարան չը կայ. Գեօկչայ գաւառի մօտ տասն և վեց հազար բնակիչների համար մի ուսումնարան չը կայ. Գանձակի գիւղերում առաջ վեց ուսումնարաններ կային, այժմ համարեա բոլորը փակվել են: Բայց կան վարձկան թեմական տեսուչներ, որոնք թէև թեմի համար են ստեղծուած, բայց միշտ ապրում են քաղաքներում: Ի՞նչ բան ունեն այդ պարոնները քաղաքներում, կարծեմ թեմը քաղաքէն նշանակում: Իսկապէս թեմական տեսչի պարքն է ամբողջ տարին իւր թեմումը լինել, գիւղից գիւղ, ուսումնարանից ուսումնարան շրջելով, փորձնական դասեր խօսել, մանաւանդ մեր վարժապետների նկատմամբ: Բայց թեմական տեսուչները քաղաքներում մնում են իւրեանց երկրորդական շահերի համար: Պաշտօնին նուր-